






Notus proprius S. D. N. D.

Pii diuina prouidentia Papæ Quarti super Parro-
chialium, ac aliarum ecclesiarum curatarum
collationibus, necnon iuramento, &
fideiussione præstati, de re
fidendo.



ROMAE.

Apud Antonium Bladum Impressorem Cameralem.
M. D. LXIII. Cum Priuilegio.

1870
The following is a list of the names of the persons who have been elected to the office of Justice of the Peace for the year 1870.

1871
The following is a list of the names of the persons who have been elected to the office of Justice of the Peace for the year 1871.

Bulla Sanctissimi D.N. Dñi

P I I Diuina prouidentia Papæ I I I I.

SVPER REFORMATIONE OFFICII

Correctoris Cancellariæ, & Contradictarum.

P I V S Episcopus Seruus Seruorum D E I
Ad perpetuam Rei memoriam.



NIVERSI Gregis dominici curam nobis diuina dispositio-
ne cōmissam, pro Pastoralis officij debito diuina fauente gra-
tia diligenter, & salubriter exercere cupientes, ad ea potissimū
pro Christifidelium animarum salute nostræ dirigimus consi-
derationis intuitum, per quæ iuris & iustitiæ cultus a nos-
tris, & sedis apostolicæ Officialibus seruetur, & inuiolabili-
ter custodiat. Sane cum nos vna cum venerabilibus fratribus nostris S. R. E.
Cardinalibus, singulorum Romanæ Curix Tribunalium, & officiorum corre-
ctioni & emendationi iugiter intendentes, inter cetera ad officij Correctoris
Cancellariæ apostolicæ, ac literarum iustitiæ contradictarum respexerimus,
animaduertimus etiā officium ipsum quod antiquissimū existit, & per quod
literæ apostolicæ iustitiæ sub nomine Romani Pontificis ac sub plumbo expe-
diūtur pro superiorum temporum licentia antiquam disciplinā, ac puritatē
in literarū huiusmodi expeditione relaxasse. Ac propterea pro illius reforma-
tione, & emendatione vocato, & audito dilecto filio magistro Paulo Odescalco
Cancellariæ, & literarū huiusmodi moderno correctore, Motu proprio, & ex cer-
ta scientia de eorundē fratrum consilio & assensu: Statuimus, & ordinamus
quod deinceps perpetuis futuris tēporibus dictus Paulus, ac pro tempore exi-
stens corrector, necnō literarum earundem procuratores in causis in quibus
rescripta a nobis, vel a signaturā nostra iustitiæ pro tēpore emanare cōtigerit
in eadē instantia se nullatenus intromittant. Possint tamen causas appellatio-
num a sententiis diffinitiuis, vel diffinitiuæ vim habentibus committere. Itē
confirmationes Indulgentiarum, siue perpetuarum, siue temporalium, & testa-
mentorum aut vltimarū voluntatum ac iurispatronatus, & presentandi nullo
modo expediant, sed nec contractuū, nisi ad vtriusque contrahentis supplica-
tionem, & sine præiudicio tertiū, Et minus sententiarum nisi cum clausula qua
tenus rite, & recte latę sint, & in rem transierint iudicatam, neque aduersus il-
las aliquid sit critimpetratum. A confirmationibus etiam compromissorū, &
laudorum ante vtriusque partis expressam emologationem, necnon vnionū
perpetuarum, vel suppressionum, aut translationū beneficiorū ecclesiasticorū,
aut illorum fructuum applicationum omnino abstineant. Similiter nō
concedant confirmationes alienationum permutacionū, aut liberationū de
bonis ecclesiasticis, quorū annuus redditus summam quinque ducatorū ex-
cedat: id quod dispositiue in literis exprimi debeat, & cōfirmationes huiusmodi

A semper

semper ordinario loci, & alteri persone in dignitate ecclesiastica constitutę cõ
iunctim cõmittantur. Et si de ipsius ordinarij interesse, vel prejudicio agatur,
tunc loco ipsius cõmittantur Metropolitanũ. & si res ad ipsum Metropolitanũ
pertineat ordinario viciniori: & nunquã similes cõmissiones concedant quã
do de alienandis iurisdictionibus, vel vassallagijs ad ecclesias quolibet per
tinentibus agitur. Literas etiã declaratorias nullitatis professiõis propter vim
& metũ, quãdo religiosi post ingressum religionis, vel emissã professionem
sacros ordines in religione susceperunt, etiã si asserat quod eisdẽ vi, & metu
durantibus dictos ordines susceperint minime concedant. In alijs autem casi
bus declaratorię huiusmodi cõmittantur ordinario loci vocatõ Priore Mona
sterij loci eiusdem in quo fuit emissã professio: & nunquam in Romanã. curia
etiã si pars, & testes in ea presentes essent: Sed nec licentias Religiosis eisdẽ
standi extra Monasteriũ etiam in casibus infirmitatis, vel alijs a iure permissis,
nec pro subuentione parentum, pupillorũ, aut aliorũ consanguine eorũ nisi
de expressã licentiã suorum superiorum petiti, & obtenta. Et similiter absõ
lutiones a iuramento præterquã ad effectũ agendi, & excipiendi, ac facultates
testandi de bonis ecclesiasticis in forma Quinterni vltra summã centũ duç
torũ minime concedere valeant, Religiosis vero etiam extra claustra cum le
gitima dispõsatione degentibus similes facultates testandi nullatenus cõcedã
tur. Item gesta per ordinarios, aut alios inferiores nisi in casibus illis expresse
de iure permissis, & quãdo ex eorũ narrativa formã iuris minime per eos ser
uatam esse cõstant, nullatenus cõfirmant, nec eorũ defectus iuris, vel facti al
quo modo suppleant. In primis autẽ obstineant a cõfirmatione tituli, vel pos
sessionis beneficiorum ecclesiasticorum, etiã pro pacificis possessoribus, etiã
cum clausula, sicuti iuste & pacifice possidetis. cum sicut accepimus confirma
tiones huiusmodi plerunque petantur in fraudẽ ad confouendos intrusos, &
alios qui licteras apostolicas prouisionis beneficiorum eorundẽ minime expe
diuerunt, ac minime curãt expedire. Abstineãt etiam a declaratorijs super ho
micidijs, & irregularitate exinde contracta, etiã si illa vim vi repellendo, & ad
necessariam defensionem cõmissa fuisse asseratur. Item a confirmationibus
decimarum, & illarũ acquisitionum, etiã pro pacificis possessoribus, nisi illas
ante Concilium Lateranensẽ, tẽpore recolendę memorię Alexandri iiii. celebra
tũ legitime acquisitas esse expresse dicatur. Et in supra cõfirmationibus qui
buscunque de rebus litigiosis omnino cessent. Priuilegia vero, ac facultates &
gratias p sedẽ apostolicam concessa in genere tantum, non autem in specie
confirmant, nisi priuilegia ipsa de verbo ad verbũ inferãtur: de quibus per li
teras apostolicas, aut earũ transumpta autẽtica omni prorsus suspitione carẽ
tia, ipsi Correctori cõstituerit; de quo in cõfirmatione ipsa expressã mētiõ fieri
debeat. Postremo cũ officium ipsum Correctoris potissimum versetur in cõ
cessiõne, vel confirmatione eorũ, quę sunt de iure permissa nullatenus concẽ
dẽdo, vel cõfirmãdo rescribat in materijs quoquo modo in iure dubijs, vel
vbi varię sunt iurisperitorum opiniones, etiam pro cõmuni illorũ sententiã;
sed tantũ vbi de re ipsa clara, & expressã de iure decisio apparet, & de cuius in
tellectu nullatenus apud iuris interpretes dubitẽt. Procuratores autẽ literarũ
ipsarum contradictarũ materias iniustas, aut indebitas nõ procurent. Nec mi
nutas licteras forment contra, vel præter continentiam memoriaũ, & veri
tatem

tatem facti illis a Partibus exhibiti, ne facto variato, & veritate immutata lites expediant, quæ alias expediri non possent: prout sæpius attentatū fuisse accepimus. In reliquis vero per presentes non immutatis, aut alteratis antiquū stilū in expeditionibus litterarum earūdem servari solitū inuolubiliter observet. Distinctius inhiibentes prefato, ac pro tēpore existētī Correctori sub indignationis nostræ, Procuratoribus vero presentibus, & futuris sub excommunicationis latę sententię, necnon priuationis officiorum, & beneficiorū quorumcūque per eos obtentorū, ac inhabilitatis ad illa, & alia in posterum obtinenda, aliisque nostris, & pro tēpore existentis Romani Pontificis arbitrio inferēdis, & applicādis penis ne de causis, negotiis, ac expeditionibus per presentes interdictis, & alias quā ut prefertur, etiā p̄textu quorumvis privilegiorū, & indulgentiarum eis, & eorū officio quomodolibet concessorū, aut consuetudinū, vel quasi possessionis in similibus materiis, prohibitis expedīdis se intrōmittere quoquo modo audeāt, vel p̄sumant. Decernētes nihilominus quascūque concessionēs, cōmissionēs, & alias expeditiones ab illis, & a dicto officio deinceps contra presentium tenorem pro tēpore quomodolibet, quod absit attēptas, nullas, & inualidas, ac extortas, & surreptitias fore, & esse, ac ceteri neminiq; p̄pterea suffragari posse. Sicq; per quoscūque locorū ordinarios, ac Iudices, & Cōmissarios, etiā eorū Palatii Apostolici Auditores, ac eiusdem Romanę Ecclesię Cardinales, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & diffiniri debere. Irritū quoque, & inane quicquid secus sup̄ his a quoquā, quavis auctoritate sciēter, vel ignoranter contigerit attemptari. Non obstantibus cōstitutionibus, & ordinationibus Apostolicis, privilegiis quoque, et indultis eiusdē Correctori, et procuratoribus sub quibuscūque tenoribus, & formis. ac cū quibusvis clausulis, & decretis per quoscūque Romanos Pōtīfices p̄decessores nostros, ac forsā nos cōcessis, & approbatis, & innotatis, ac decretis, & cēsuris in illis appositis, quibus omnibus etiā si p̄ illorū sufficenti derogatione de illis, eorumq; totis tenoribus specialis & expressa, ac indiuidua, & de verbo ad verbum, non autem per clausulas generales idem importantes mētio, seu quęvis alia expressio habēda, aut aliqua alia exquisita forma ad hoc seruanda foret, tenores huiusmodi presentibus pro sufficēter expressis habētes, illis alias in suo robore permanfuris; hac vice dūtaxat specialiter, & expresse derogamus contrariis quibuscunq; Aut si aliquibus cōmuniter, vel diuīsim ab eadē sit. sede indultum, quod interdicti, suspendi vel excommunicari non possint per litteras apostolicas non facientes plenā, & expressam, ac de verbo ad verbum de indulto huiusmodi mentionē. Et quibuslibet aliis privilegiis, indulgētiis, & litteris apostolicis generalibus, & specialibus quorumcūque tenorū existant, per quę presentibus non expressa, vel totaliter non inserta effectus presentium impediri valeat quomodolibet, vel differri, et de quibus quorūq; totis tenoribus habenda sit in nostris litteris mētio specialis. Ut autē presentes litterę ad omniū notitiā deducantur, & eos quorū interest, vel interesse poterit, omnino afficiat: volumus, & mādāmus illas in Palatii nostri Apostolici, ac audiētię litterarū contradietarum valui, & acie Campi Florę per aliquos, ex Curis nostris affigi, & per aliquod tēporis spaciū relicta ibidem earū copia affixas detineri: vti quos litterę ipsę concernunt, seu cōcernere poterūt quolibet

libet in futurū, nullam possint excusationem pretendere, vel allegare, quod ad ipsorum noticiam non peruenierint: cū nō sit verisimile apud eos incognitū remanere, quod tam patenter publicatum fuerit. Nulli ergo omnino hominū liceat hanc paginam nostrorum statuti ordinationis, inhibitionis, decreti, derogationis, voluntatis, & mandati infringere, vel ei ausu temerario cōtrahere. Si quis autem hoc attemptare præsumpserit, indignationem Omnipotentis Dei, ac beatorum Petri, & Pauli Apostolorum eius se noverit incursurum. Dat. Romæ apud sanctum Petrum, anno Incarnationis Dominicæ Milleesimo Quingentesimo Sexagesimo Secundo, Sexto Kal. Iunii. Pontificatus Nostri Anno Tercio

✠ Ego Pius Catholicæ Ecclesiæ Episcopus.

✠ Ego R. Card. de Carpo ep̄s ostiens.
 ✠ Ego F. Card. Pisanus ep̄s Portuens.
 ✠ Ego Fed. Card. Cæsius, ep̄s Tusculanus
 ✠ Ego Io. Card. Moronus ep̄s prænestin.
 ✠
 ✠ Ego Otho Card. Aug. Ep̄s Albanens.
 ✠ Ego B. de la Cueva Card. Sanctæ Crucis.
 ✠ Ego R. Card. S. Angeli Maior Pæniten.
 ✠ Ego Ti. Card. Crispus.
 Ego Ful. Cardinalis Perus.
 ✠ Ego Io. Mi. Card. Saracenus.
 ✠ Ego Io. Cardinalis Sancti vitalis.
 ✠
 ✠ Ego Io. B. Cicada Card. S. Clemen. st.
 ✠ Ego B. Card. Tranen.
 ✠ Ego Scipio Card. Pisarum.
 ✠ Ego Io. Suavius Card. Reumanus.

✠ Ego Io. Ant. Card. Capisuccus.
 ✠ Ego F. M. G. Card. Alexandrinus,
 ✠
 ✠ Ego Io. Ant. Card. Sancti Georgii.
 ✠
 ✠ Ego Bernardus Card. Saluiatus
 ✠ Ego Ph. Card. Aburd.
 ✠ Ego P. F. Card. Ferrerius.
 ✠ Ego Hier. Card. Corrigiensis.
 ✠ Ego B. Card. Nauasgerius.
 ✠ Ego Io. Franc. Card. de Gambara.
 ✠
 ✠
 ✠ Ego A. Card. Farnesius Vicecance.
 ✠ Ego Gui. Asc. Cardinalis Camerarius.
 ✠ Ego Iu. Card. Vrbini.
 ✠
 ✠ Ego Alphonfus Carafa Card. Neapolitan.
 ✠ Ego Vitellotius Card. Vitellius.
 ✠
 ✠
 ✠ Ego Franciscus Card. Gonzaga.
 ✠ Ego Ind. Aualos Card. Arag.
 ✠ Ego Alph. Card. Gesualdus.

Cz. Glorietius
 Francif. De Lyon.

Anno à Natiuitate Domini millefimo quingentesimo sexagesimo secundo Indictione quinta die verò xix. mensis Iulij, Pontificatus Sanctissimi in Christo patris, & Domini nostri, Domini Pii diuina prouidentia Papæ quarti Anno Tertio, Retroscriptæ lre apostolicæ affixæ, & publicatæ fuerunt ad valuas Palatii apostolici, audientie literarum contradictarum & in acie Campi Floræ, & deinde amotæ dimissis ibidem in locis superscriptis, copiis earumdem affixis per nos Iulium Parinum, & Camillum Cherubinum prælibati S. D. N. Papæ Cursores.

Franciscus Rogerius Magister Curforum.

Registrata Apud Cæsarem Secretarium.

R O M A E Apud Antonium Bladum Impressorem Cameralem.



